

CUNCURSU DE POESIA SARDA "ANTONI PILUDU" - ANNU 2013
XX EDIZIONE

BANDU DE CUNCURSU

S' Amministratzione comunale de Iscanu, paris cun s' Ufitziu de sa Limba Sarda e cun sa Consulta pro sa Limba e sa Cultura Sarda, bandit sa de XX editziones de su cuncursu de poesia sarda "Antoni Piludu".

NORMAS PRO PARTETZIPARE

Sunt amitidas a partetzipare sas òperas iscritas in cale si siat variante de sa limba sarda. Est mègius a mandare finas sa bortadura in italianu, màssimu si in s'elaboradu b'at paràulas pagu connotas.

ART. 1

Su cuncursu est articuladu in 3 setziones:

Setzione 1: Poesia in rima a tema liberu;

Setzione 2: Poesia in versos liberos a tema liberu;

Setzione 3: Poesia o prosa pro sos pitzinnos de iscola. Tema liberu.

ART. 2

Si podet partetzipare a **una setzione** ebia cun un'òpera ebia. Si racumandat de rispettare su limite de 40 versos.

ART. 3

Sas òperas, iscritas in computer, a màchina o in 'stampatello', cheren mandadas in 8 còpias iscritas in craru. Sos elaborados non cheren firmados, tocat de bi pònneru unu "mottu" **chi devet cambiare dae un'annu a s'àteru**. Sas generalidades (nùmene de s'autore, indiritzu e nùmeru de telèfonu, e in prus su "mottu") cheren postas a banda, in busta sigillada posta in intro de sa busta manna.

Sos concurrentes devent iscriere in sa busta de fora a cale setzione sunt partetzipende.

ART. 4

Sas òperas cheren inèditas (est a nàrrere mai presentadas in àteros cuncursos **non publicadas in libru, articulu o Rete Internet**). Sas òperas chi non respetant custu inditu ant a èssere esclusas dae su cuncursu.

Sas òperas presentadas non sunt vinculadas dae perunu deretu de autore e ant a abarrare de propiedade de su Comune de Iscanu, chi las podet impreare pro cale si siat iscopu culturale sena cumpensu perunu pro sos autores. In casu de publicatzione sa Giuria podet fàghere (cando bi cheret) carchi curretzione de ortografia.

ART. 5

Sa busta cun sos elaborados devet imbàtere a s'ufitziu protocollo de su Comune intro de **sa prima die de trìulas de su 2013**. Si podet dare manu pro manu o mandare in posta ordinària cun afrancamentu normale (l'at a documentare su timbru postale) a custu indiritzu: COMUNE DI SCANO MONTIFERRO - UFFICIO DELLA LINGUA SARDA - PIAZZA MONTRIGU DE REOS S.N. - 09078 SCANO MONTIFERRO (OR).

In sa busta tocat a b'iscriere: XX CONCORSO DI POESIA SARDA "ANTONI PILUDU" - SEZIONE N° ____".

ART. 6

Una Giuria de espertos numenada dae sa Giunta comunale at a giudicare sas òperas, e su giuditziu non si podet cuntestare.

ART. 7

S'ant a premiare sos primos 3 classificados de ogni setzione, e sa Giuria podet dare signalatziones e mentziones de onore.

Sa premiazione s'at a fàghere in su mese de Santugaine in su teatru "Nonnu Mannu" de Iscanu. S' Amministratzione nd'at a dare avisu cun tempus.

ART. 8

Pro partetzipare non si pagat nudda, e chie partetzipat est atzetende sos tèrmines de custu Bandu.

Ischanu, 27/05/2013

CUNCURSU DE POESIA SARDA "ANTONI PILUDU" - ANNU 2013
XX EDITZIONE

RÈGULAS ORTOGRÀFICAS DE BASE

Cherende dare un'agiudu a sos poetes, e cherende eliminare sos errores printzipales chi s'agatant in cumponimentos meda, damus carchi règula ortogràfica de base chi agiudet a iscriere in sardu in manera coerente.

1. Sas paràulas cherent iscritas in una manera ebia: pro es. *sardu* (non *saldu*);
2. Sa de 3 pessones singulare e plurale de sos verbos mantenet sa -T finale (pro es. *narat/narant, amat/amant, cantat/cantant, ecc.*);
3. Sa de 3 pessones singulare de su verbu *èssere* s'iscriet semper *est*;
4. Su sonu velare s'iscriet semper CH (non K), e duncas est mègius a iscriere *chelu, chida, cane* (non *kelu, kida, kane*);
5. Sa lìtera H non s'impreat in comintzu de paràula, duncas est mègius a iscriere *òmine* (non *homine*), *apo* (non *hapo*), *ant* (non *hant*);
6. Sa lìtera H non s'impreat mancu cun su sonu DD, duncas est mègius a iscriere *caddu, badde, bidda* (non *caddhu, baddhe, biddha*);
7. Sa lìtera Z s'iscriet in duas maneras:
 - a. Cando su sonu est 'durche' s'iscriet cun una Z (pro es. *fizu, muzere, biazu*);
 - b. Cando su sonu est 'tostu' s'iscriet cun TZ (pro es. *pitzinnu, matzone, bratzu*).

